

四庫全書

子部

欽定四庫全書

子部

類證普濟本事方卷十九

詳校官太醫院恩糧_臣孔毓秀

編修_臣倉聖脈覆勘

總校官中書_臣朱鈐

校對官中書_臣石鴻蒼

謄錄監生_臣張濤

欽定四庫全書

類證普濟本事方卷九

宋 許叔微 撰

傷寒

治結胸發熱灸法

巴豆

十四枚

黃連

七寸連皮用

右搗細津和成膏填入臍心灸其上不拘壯數腹中
有聲病去為度灸了便以溫湯浸手帕拭之恐生瘡也
治傷寒發狂或棄奔走踰牆上屋

鵲石散

黃連

寒水石

各等分

右細末每服二錢濃煎甘草湯放冷調服

桂枝麻黃各半湯在前

常記一親戚病傷寒身熱頭疼無汗大便不通已四五日子訊問之見鑿者治大黃樸硝等欲下之予曰子姑少待予為視之脈浮緩卧密室中自稱其惡風予曰表證如此雖大便不通數日腹亦不脹別無所

苦何遽便下大抵仲景法須表證罷方可下不爾邪
乘虛而入不為結胸必為熱痢也予作桂枝麻黃各
半湯繼之以小柴胡襲襲汗出大便亦通而解仲景
云凡傷寒之病多從風寒得之始表中風寒之裏則
不消矣擬欲攻之當先解表乃可下之若表已解而
內不消大滿大堅實有燥屎自可徐下之雖四五日
不能為禍也若不宜下而便攻之內虛熱入脇熱遂
利煩燥之變不可勝數輕者困篤重者必死矣

原本
正文

重疊難曉予刪正
此段其理甚明

大抵風寒入裏不消必有燥屎或

大便堅秘須是脈不浮不惡風表證罷乃可下大便
不通雖四五日不能為害若不顧表而便下遂為腸
熱痢也

治關血抵黨圓

水蛭

炙五枚

蟅虫

去翅足
五枚炒

桃仁

六枚

大黃

三分
去皮

右為末煉蜜和作一圓以水一盞煎至七分頓服晬

時當下血不下再作之

有人病傷寒七八日脈微而沉身黃發狂小腹脹滿
臍下冷小便利予曰仲景云太陽病身黃脈沉結小
腹硬小便不利者為無血也小便自利其人如狂者
血證諦也投以抵黨圓下黑血數升狂止得汗解經
云血在上則忘在下則狂大腸膀胱隨經而畜於膀
胱故臍下膨脹由閹門滲入大腸若大便黑者此其
證也

破陰丹方在前

有人初得病四肢逆冷臍下築痛身疼如被杖蓋陰證也急服破陰金液來復等丹其脈遂沉而滑沉者陰也滑者陽也病雖陰而見陽脈有可生之理仲景所謂陰病見陽脈者生也仍灸氣海丹田百壯手足溫陽回得汗而解或問滑浮之狀如何便有生理予曰仲景云翕奄沉名曰何謂也沉為純陰翕為正陽陰陽和合故名曰滑古人論滑脈雖云往來前却流

利庶轉替替然與數相似仲景三語而足也此三字
極難曉翕合也言張而復合也故曰翕為正陽沉言
忽降而下也故曰沉為正陰方翕而合俄降而下奄
謂奄忽之間仲景論滑脈可謂諦當矣然其言皆有
法故讀書難曉

治傷寒汗後脾胃傷冷物胸膈不快尋常血氣不和宜
補脾湯

人參

乾薑

白朮

甘草

陳桔皮

去白

青桔皮

去白各等分

右細末每服三錢水一盞煎數沸熱服入鹽點亦得
又記有人患傷寒得汗數日忽身熱自汗脈弦數心
不得寧真勞復也予診曰勞心之所致神之所舍未
復其初而又勞傷其神榮衛失度當補其子益其脾
解發其勞庶幾得愈授以補脾湯佐以小柴胡得解
或者難曰虛則補其母今補其子何也予曰子不知
虛勞之異乎難經曰虛則補其母實則瀉其子此虛

當補其母人所共知也千金曰心勞甚者補脾氣以益之脾王則感於心矣此勞則當補其子人所未聞也蓋母生我者也子繼我而助我者也方治其虛則補其生我者與錦囊所謂本骸得氣遺體受蔭同義方治其勞則補其助我者與荀子所謂未有子富而父貧同義此治虛與勞所以異也

治中喝白虎湯方在本論中

有人頭疼身熱心煩燥渴診其脈大而虛予授以白

虎湯數服愈仲景云脉虛身熱得之傷暑又云其脉弦細乳遲何也素問云寒傷形熱傷氣蓋傷氣不傷形則氣消而脉虛弱所謂弦細乳遲者皆虛脉也仲景以弦為陰朱肱亦云仲景脉微弱則皆虛脉可知麻黃湯方在前

有人病傷寒身熱頭痛予診之曰邪在表此表實證也當汗之以麻黃湯或人問曰傷寒大抵因虛故邪得以入之今邪在表何以云表實也予曰古人稱邪

之所湊其氣必虛留而不去其病則實蓋邪之入人也始因虛及邪居中則反為實矣大抵調治傷寒先要明表裏虛實能明此四字則仲景三百九十七法可坐而定也何以言之有表實有表虛有裏實有裏虛有表裏俱實有表裏俱虛予於表裏虛實歌中常論其事矣仲景麻黃湯之類為表實而設也桂枝湯之類為表虛而設也若裏實則承氣之類是也裏虛則四逆之類是也表裏俱實所謂陽盛陰虛下之則

愈也表裏俱虛所謂陽虛陰盛汗之則愈也常讀華佗傳有府吏倪尋李延共止俱頭痛身熱所苦正同佗曰尋當下之延當發汗或難其異佗曰尋外實延內實故治之異

小柴胡湯

柴胡

二兩

黃芩

人參

甘草

各三分

半夏

六錢一字
洗七次

右粗末每服五錢水一盞半生薑五片棗二枚同煎

至八分去滓溫日三服加減法活人書所載甚詳記
有人患傷寒五六日頭汗自出頭以下無汗手足冷
心下痞悶大便秘結或者見四肢冷又汗出滿悶以
為陰證予診其脈汎而緊予曰此證誠可疑然大便
結非虛結也安得為陰脈雖沉緊為少陰證多是自
利未有秘結者予謂此正半在表半在裏投以小柴
胡得愈仲景稱傷寒五六日頭汗出微惡寒手足冷
心下滿口不欲食大便秘結者此為陽微結必有

表復有裏脈沉亦在裏也汗出為陽微假令純陰結不得復有外症悉入在裏此為半在外半在裏也脈雖沉緊不得為少陰所以然者陰不得有汗令頭汗出故知非少陰也可與小柴胡湯設不了了者得尿而解此疾症候同故得尿而解也有人難曰仲景云病人脈陰陽俱緊反汗者正陽也此屬少陰令云陰不得有汗何也今頭汗出者故知非少陰何以頭汗出便知非少陰症予曰此一段正是仲景議論處意

謂四肢冷脈沉緊腹滿全似少陰然大便硬頭汗出
不得為少陰蓋頭者三陽同聚若三陰止胸而還有
頭汗出自是陽虛故曰汗出為陽微是陰不得有汗
也若少陰頭有汗則死矣故仲景平脈法云心者火
也名少陰其頭無汗者可治有汗者死心為手少陰
腎為足少陰相與為上下惟以意逆者斯可得之

治太陽陽明合病麻黃湯方在前

有人病傷寒脈浮而長喘而胸滿身熱頭痛腰脊強

鼻乾不得眠予曰太陽陽明今病症仲景法中有三證下利者葛根湯不下利嘔逆者加半夏喘而胸滿者麻黃湯也治以麻黃得解有人問傷寒傳入之序自太陽陽明少陽太陰少陰厥陰所傳有次第何哉予曰仲景本論無說古今亦無言者惟龐安常謂陽主生故太陽水傳足陽明土土傳足少陰木為微邪陰主殺故足少陽木傳足太陰土土傳足少陰水水傳足厥陰木為賊邪予以為不然足少陰水傳厥陰

木安得為賊邪蓋牽張傳會失之穿鑿何不觀素問
陰陽離合論云太陽根起於至陰名曰陰中之陽陽
明根起於厲兌名曰陰中之陽少陽根起於竅陰名
曰陰中之少陽太陽根起於陰白名曰陰中之太陰
少陰根起於湧泉名曰陰中之少陰厥陰根起於大
敦名曰陰中之絕陰故其次序正與此合大抵傷寒
始因中風寒得之於陰是以止傳足經者皆陰中之
陽陰中之陰也不特此也以六氣在天者考之厥陰

為初之氣少陰為二之氣太陰為三之氣少陽為四之氣陽明為五之氣太陽為終之氣此順也逆而言之太陽而後陽明陽明而後少陽少陽而後太陰太陰而後少陰少陰而後厥陰傷寒為病逆而非順故以是為序也

小承氣湯方具仲景本論

有人病傷寒八九日身熱無汗時時譫語時因下利大便不通三日矣非煩非燥非寒非痛終夜不得卧

但心中無曉會處或時發一聲如嘆息之狀鑿者不
曉是何症予診之曰此懊懷怫鬱二症俱作也胃中
有燥屎承氣湯下燥屎二十餘枚得利而解張仲景
云陽明病下之心下懊懷微煩畏中有燥屎者可攻
又云病者小便不利大便秘乍難乍易時有微熱怫鬱
不得卧者有燥屎也承氣湯主之素問云胃不和則
卧不安此夜所以不得眠也仲景云胃中燥大便秘
者必譫語此所以有時發譫語也非燥非煩非寒非

痛所謂心中懊懷也聲如嘆息而時發一聲所謂外氣怫鬱也燥屎得除大便通利胃中安和故其痛悉去也又有人病傷寒大便不利日晡發潮熱手循衣縫兩手撮空直視喘急更數豎矣見之皆走予曰此誠惡候得此者十中九死仲景雖有證而無治法但云脈弦者生澀者死今已經吐下難於用藥謾且救之若大便秘通而脈弦者庶幾可治也與小承氣湯一服而大便秘諸疾漸退脈且微弦半月愈或人問

曰下之而脈弦者生此何意也予曰金匱玉函云循
衣妄撮怵惕不安微喘直視脈弦者生澁者死微者
但發熱譫語承氣湯主之予嘗觀錢仲陽小兒直訣
六手循衣領及捻物者肝熱也此症在玉函列於陽
明部蓋陽明胃也肝有熱邪淫於胃經故以承氣瀉
之且得弦脈則肝平而胃不受尅此所以有生之理
讀仲景論不能博通諸鑒書以發明其隱奧端守一
書者吾未見其能也

又記有人病傷寒下利身熱神昏多困譫語不得眠
或者見下利便以譫語為鄭聲為陰虛證予曰此小
承氣症衆駭曰下利而服小承氣仲景之法乎予曰
此仲景之法也仲景云下利而譫語者有燥屎也屬
小承氣湯而得解予嘗讀素問云微者逆之甚者從
之逆者正治從者反治從少從多觀其事也帝曰何
謂反治岐伯曰寒因寒用通因通用王水注云大熱
內結注瀉不止熱宜寒療結復須除以寒下之結散

利止則寒因寒用也正合於此

治項背強

葛根湯

葛根

一兩

麻黃

三分

桂枝

甘草

芍藥

各半兩

右粗末每服五錢水一盞半煎至八分去滓溫服覆

汗為度

有人患傷寒無汗惡風項既屈而且強予曰項強兀兀葛根湯症或人問曰何謂兀兀予曰兀兀者如兀

足疾屈而強也謝復古謂病人羸弱須憑兀而起誤也蓋仲景論中極有難曉處振振欲擗地心中懊懣外氣怫鬱鬱冒不仁膈內拒痛如此之類甚多

熙寧中邦守宋迪因其猶子感傷寒之初不能辨其病症見其煩渴而汗多以涼藥解治之至於再三遂成陰毒六日卒乃痛悼之遂著陰毒形症訣三篇

始得陰毒

陰毒本因腎氣虛寒因慾事或食冷物後傷風內既

伏陰外又感寒或先感外寒而伏內陰內外皆陰則陽氣不守遂頭痛腰重腹痛眼睛疼身體倦怠而不甚熱四肢逆冷額上及手背冷汗不止或多煩渴精神恍惚如有所失二三日間或可起行不甚覺重診之則六脈俱沉細而疾尺部短小寸口或大六脈俱浮大或沉取之大而不甚疾者非陰症也若服涼藥過多則渴轉甚燥轉急有此病症者急服還陽退陰二藥即安惟補氣和氣而已宜服正元散退陰散五勝散陰症不宜發汗如氣正脈大身熱而

未差用藥
出汗無妨

正元散治傷寒如覺傷寒吹著四肢頭目百骨節疼痛
急煎此藥服如人行五里再服或連進三服出汗立差
若患陰毒傷寒入退陽散半錢同煎或傷冷傷食頭昏
氣滿及心腹諸疾服之無有不見效

麻黃

去節

陳皮

大黃

生

甘草

乾薑

肉桂

芍藥

附子

茱萸

半夏

洗各等分

右麻黃加一半茱萸減一半同為末每服一大錢水
一盞生薑三片棗一枚煎至七分熱呷如出汗以衣
被蓋覆切須候汗乾去衣被如是陰毒不可用麻黃
免更汗出

退陰散治陰毒傷寒手足逆冷脈沈細頭痛腰重連進
三服小小傷冷每服一字入正元散內同煎入鹽一捻
陰毒傷寒欬逆煎一服細細熱呷便止

川烏

乾薑

各等分

右為粗末炒令轉色放冷再搗為細末每服一錢水
一盞鹽一捻煎半盞去滓溫服

五勝散治傷寒頭痛壯熱骨節疼痛昏沈困倦欬嗽鼻
塞不思飲食兼治傷寒夾冷氣併慢陰毒神效方

白朮

甘草

五味子

石膏

各四兩

乾薑

三兩半

右為末每服二錢水八分入鹽少許同煎至六分通
口服如冷氣相夾入薑棗煎或治陰毒病入艾少許

同煎

陰毒漸深候

積陰感於下則微陽消於上故其候沈重四肢逆冷
腹痛轉甚或咽喉不利或心下脹滿結硬燥渴虛汗
不止或時狂言指甲白色青黑六脈沈細而一應七
至以來有此症者速宜於氣海或開元二穴灸三二
百壯以手足和煖為效仍服金液丹來甦丹玉女散
還陽散退陰散

玉女散治陰毒氣攻上腹痛四肢逆冷惡候並治之

川烏去皮臍冷水浸七日後薄切曝乾紙袋盛有患
者取礮末一大錢入鹽一小錢水一盞半煎至七分
通口服壓下陰毒所注如猪血相似未已良久再進
一服

還陽散治陰毒面色青四肢逆冷心燥腹痛

用硫黃末新汲水調下二錢良久或寒一起或熱一
起更看緊慢再服汗出差

陰毒沈困候

沈困之候與前漸深之候皆同而更加困重六脈附骨取之方有按之即無一息八至已上或不可數也至此則藥餌難為工矣但於臍中灼艾如半棗大三百壯以來手足不和緩者不可治也偶復和緩則以前硫黃及熱藥助之若陰氣散陽氣來即漸減熱藥而和治之以取差也

辨少陰脈緊止

記有人患傷寒六七日心煩昏睡多吐小便白色自汗予診之寸口尺中俱緊予曰寒中少陰之絕是以脈緊仲景云病人脈緊而汗出者亡陽也屬少陰法當咽痛而復下利蓋謂此也有難之曰脈訣緊脈屬七表仲景以緊脈屬少陰緊脈屬陽耶屬陰耶予曰仲景云寸口脈俱緊者清邪中於上焦濁邪中於下焦又云陰陽俱緊者口中氣出唇口乾燥倦卧足冷鼻中涕出舌上滑胎忽忘治也又云緊則為寒又云

諸緊為寒又云曾為人所難緊脈從何而來師云假令已汗若吐以肺裏寒故令脈緊假令咳者坐飲冷水故令脈緊假令下利以胃虛故令脈緊又云寸口脈微尺脈緊其人虛損多汗由是觀之則是寒邪之氣入人經絡所致皆虛寒之脈也其在陽經則浮而緊在陰經則沈而緊故仲景云浮緊者名為傷寒又曰陽明脈浮而緊者必潮熱此在陽則浮而緊也在陰則沈而緊故仲景云寸口脈微尺脈緊其人虛損

多汗則陰常在絕不見陽又云少陰脈緊至七八日
自下利脈暴微手足反溫脈緊及去者此欲解也此
在陰則沈而緊也仲景云浮為在表沈為在裏數為
在腑沉為在藏欲知表裏臟腑先以浮沉遲數為定
然後兼於脈而別陰陽也故論傷寒當以仲景脈法
為準傷寒必本仲景猶兵家之本孫吳堊書之本郭
氏三命之本珞琭子課之本心鏡捨是而之他是猶
捨規矩而求方圓捨律呂而合五音必乖謬矣予常

作傷寒歌百篇其首篇云傷寒脈證摠論篇第一皆
本仲景今錄於後

浮大數動滑陽脈陰病見阻生可得沈瀼弦微弱屬陰

陽病見陰終死厄

仲景云脈大浮數動滑此名陽也脈沈瀼弱弦微此名陰也陰病見陽脈

者生陽病見陰脈者死

陰陽交互最難明輕重斟量當別白

脈須有陰

陽須看輕重以分表裏在下文

輕手脈浮為在表表實浮而兼有力但

浮無力表中虛自汗惡風常淅淅

傷寒先要辨表裏虛實此四者為急仲景

浮為在表沈為在裏然表正有虛有實浮而有實者表實也故無汗不惡風浮而無力者表虛也故自汗惡風

重手脈沈為在裏裏實脈沈來亦實重手無力大而虛

此是裏虛裏審的

裏正亦有虛實脈沈而有力者裏實也故腹滿大便不通沈而無力者裡

虛也或泄利或陰症之類此八句辨表裏虛實盡矣

風則虛浮寒堅牢水停水畜

必沈潛動則為病數為熱友飲應須脈急弦太過之脈

為可輕不及之脈亦如然

仲景云風則虛浮寒則牢堅沈潛水人友飲急弦動則為

痛數則熱煩太過可怪不及亦然邪不空見中心有奸

榮衛太盛名高章高章相

搏名曰網榮衛微時名卑慄卑慄相搏損名揚榮衛既

和名緩遲緩遲名沈此最良九種脈中辨疾正長沙之

脈妙難量

仲景云寸口微氣盛名曰高榮氣盛名曰章高章相搏名曰網衛氣弱名曰牒榮氣弱名

曰卑牒卑相搏名曰損衛氣和名曰緩榮氣和名曰遲緩遲相搏名曰沈大抵仲景論傷寒症候自是一家

瞥瞥有如羹上肥此脈定知陽氣微榮榮來者蛛絲細

却是體中陰氣衰脈如瀉漆之絕者病人亡血更何疑

仲景云瞥瞥如羹上肥者陽氣微也脈榮榮如蛛絲細者陽氣衰也脈綿綿如瀉漆之絕者亡血也陽氣衰千

金竹陰氣陽結藹藹如車蓋陰結循竿亦象之
仲景云藹藹如車蓋者陽

結也如循竿者陰結也陽盛則促來一止陰盛則結緩而遲此謂促難

一脈也仲景云脈來緩時一止名曰結脈來數時一止名曰促脈陽盛則促陰盛則結縱橫逆順

宜審察殘賊災怪須要知

仲景云脈有相乘有縱有橫有逆有順何謂也曰水行乘

火金行乘木名曰縱火行乘水木行乘金名曰橫水行乘金火行乘木名曰逆金行乘水木行乘火名曰順也

又問曰脈有殘賊何謂也師曰脈有弦緊浮滑沈瀉名殘賊能為諸脈作病也又問曰脈有災怪何謂也答曰

舊時服藥今乃發為災怪脈靜人病內虛故人安脈病曰行尸

仲景曰脈

病人不病曰行尸以無主氣卒仆不知人病脈不病名曰內虛以無穀神雖困無苦右手氣口當

主氣主血人迎左其位氣口緊盛食必傷人迎緊盛風

邪熾

左為人迎右為氣口人迎緊數為在腑遲為臟浮盛傷於風氣口緊盛傷於食

為在表沈為裏

仲景云浮為在表沈為在腑遲為在臟

脈浮而緩風

傷榮浮緊堅澁寒傷衛脈微大忌令人吐欲下猶防虛

且細

仲景云脈微不可吐虛細不可下

沈微氣弱汗為難三者要須當

審記

孫用和云陰虛脈沈微而氣弱者不可行汗下吐三候脈有不可行者當審之陽加於陰

有汗在左手沈微却應未

素問云陽加於陰為之汗

跌陽胃脈定

死生

仲景云跌陽脈者凡十有一

太谿腎脈為根蒂

傷寒必診太谿跌陽者謂人以

腎脈胃脈為主仲景譏世人握手不及足者死

脈來六至或七至邪氣漸深須

用意浮大晝加病屬陽沈細夜加分陰位九至來短促

以上狀若湧泉無入氣更加懸絕漸無根命絕天真當

死矣

孫用和云脈至六至七至以上浮大晝加病更及八至精神消神氣亂必有散脫精神之候須忌急為

治療又加之九至十至雖和扁亦難治如八至九至加以懸絕治者無根也如泉之湧脈無入氣天真絕必死

也病人三部脈調勻大小浮沈遲速類此是陰陽氣已

和勿藥自然應有喜

仲景云寸口關上尺中三處大小浮沈遲速同等雖有寒熱不解此

脈已和為必愈

發熱惡寒近似傷寒者有五種脈浮而數其人發熱而

惡寒者傷寒之候也脈浮而緊其人發熱惡寒或有痛

處是欲為癰癰也脈浮按之反澁其人發熱惡寒或膈

實而嘔吐此是傷食也脈浮而滑其人發熱而背寒或
頭眩而嘔吐此是風痰之症也脈浮而弦其人發熱而
惡寒或思凡食此是欲作瘧疾也能辨其脈又驗其證
斯無誤也

類證普濟本事方卷九

欽定四庫全書

類證普濟本事方卷十

宋 許叔微 撰

治婦人諸疾

治婦人榮衛氣虛挾風冷胸脇膨脹中疴痛經水愆期或多或少崩傷漏下腰腿痛重面色青黃嗜卧無力
安胎止痛補虛益血

四物湯

當歸 熟地黄 白芍藥 芍藥

各等分

右粗末每服四錢水一盞煎八分去滓溫服不以時候
滑胎枳殼散

商州枳殼

二兩

甘草

一兩

右細末每服二錢百沸湯點服空心食前日三服凡
懷孕六七月以上即服令兒易生初生胎小微黑百
日以後肉漸變白此雖孫真人滑胎易生方然抑陽
降氣為衆方之冠

治妊娠衝任脈虛補血安胎

內補圓

熟地黃

二兩

當歸

一兩
微炒

右細末煉蜜和丸如梧子大每服三四十丸溫酒下
上三方諸集皆載之在人用之如何耳大率婦人妊
娠惟在抑陽助陰素問云陰搏陽別為有子之兆關
前為陽關後為陰尺中之脈按之搏手不絕者妊子
也婦人平居陽氣微盛無害及其妊子則方閉經隧
以養胎若陽盛搏之經脈妄行胎乃不固素問所謂

陰虛陽博謂之崩也抑陽助陰之方甚多然胎前藥
惟惡羣隊若陰陽交雜別生他病惟是枳殼散所以
抑陽四物湯所以助陰故耳枳殼散差寒若單服之
恐有胎寒腹痛之疾以內補丸佐之則陽不至強陰
不至弱陰陽調勻有益胎嗣此前人未嘗論及

治婦人有孕傷食

木香圓

木香

錢二

京三稜

白茯苓

人參

錢各三

右細末麵糊丸菴豆大每服三十丸熟水下

治妊娠氣不和調飲食

白朮散

白朮

炒

乾紫蘇

各一兩

白芷

微炒三錢

人參

三錢

川芎

訶子皮

青皮

各半兩

甘草

一錢

右細末每服二錢水一盞薑三片煎七分不據時候溫服
經云飲食自倍腸胃乃傷又云陰之所生過在五味陰
之五宮傷在五味若妊子飲食不節生冷毒物恣性食

嗽致脾胃之疾故妊娠傷食難得藥惟此二方穩捷
治妊娠胎氣不和懷胎近上脹滿疼痛謂之子懸兼治
臨產驚恐氣結連日不下

紫蘇飲

紫蘇莖葉

一兩

大腹皮

人參

川芎

陳桔

皮

白芍藥

各半兩

當歸

三錢

甘草

一分

右細判分作三服每服用水一盞半生薑四片葱白
七寸煎至七分去滓空心服

曾有婦人累日產不下服徧催生藥不驗予曰此必坐草太早心懷下一懼氣結而然非胎不順也素問云恐則氣下蓋恐則精却却則上焦閉閉則氣還還則下焦脹氣乃不行矣得此藥一服便產及婦人六七月子懸者予用此數數有驗不十服胎便近下
下死胎方

桂末二錢麝香當門子一個同研溫酒服須臾如手推下比之用水銀等此藥不損血氣趙和叔傳

治婦人病多是月經乍多乍少或前或後時發疼痛墜者一例呼為經病不曾說是陰勝陽是陽勝陰所以服是藥少得有效蓋陰氣乘陽則胞寒氣冷血不運行經所謂天寒地凍水凝成冰故令乍少而在月後若陽氣乘陰則血流散溢經所謂天暑地熱經水沸溢故令多在月前當知其陰陽調其血氣使不相乘以平為福

紫石英圓

紫石英

禹餘糧

燒醉

人參

龍骨

川烏頭炮

桂心

桑寄生

杜仲

五味子

遠志

澤瀉

當歸

石斛

茯苓

乾薑

各一兩

川椒

牡礪

甘草

各半兩

右為末煉蜜丸如梧子大飲下三十九至五十九空心食前服

治婦人室女月候不通疼痛或成血瘕

通經圓

桂心

青皮

去皮

大黃

炮

乾薑

川椒

蓬莪朮

川烏

乾漆

當歸

桃仁

各等分

右細末將四錢用米醋燉成膏和餘六錢末成劑白中治之圓如桐子大曬乾每服二十九用淡醋湯下加至三十圓溫酒亦得空心食前服

徽州靈巫張擴頃年緣事在推勘院有王鑿者以鑿職直宿日夜與之稔熟口傳此方渠甚秘之予後得此方治婦人疾不可勝數且欲廣行不敢自秘尋常

血氣凝滯疼痛數服便效有一師尼患惡風體倦乍寒乍熱面赤心煩或時自汗是時疫氣大行鑿見其寒熱作傷寒治之大小柴胡湯雜進數日病劇予診視曰三部無寒邪脈但厥脈弦長而上魚際宜服抑陰等藥予製此地黃圓

生地黄

二兩

柴胡

秦艽

黃芩

各半兩

赤芍藥

一兩

右細末煉蜜丸如桐子大每服三十九丸烏梅湯吞下

不據時候日三服

昔宋褚澄療師尼寡婦別製方蓋有謂也此二種鰥
居獨陰無陽慾心萌而多不遂是以陰陽交爭乍寒
乍熱全類溫瘧久則為勞常讀史記倉公傳載濟北
王侍人韓女病腰背痛寒熱衆醫皆以為寒熱也倉
公曰病得之欲男子不可得也何以知欲男子而不
可得診其脈肝脈弦出寸口是以知之蓋男子以精
為主婦人以血為主男子精盛則思室婦人血盛則

懷胎無肝攝血有也厥陽弦出寸口又上魚際則陰
血盛可知故知褚澄之言信有謂矣

治婦人月經不調每行數日不止兼有白帶漸漸瘦悴
飲食少味累年無子

地黃圓

熟地黃一兩 山茱萸 白蘘蕪 乾薑 白芍藥

代赭石醋淬各一兩 厚樸 白僵蚕各一兩

右細末煉蜜丸如梧子大每服四五十九空心酒下

日三服

此龐老方婦人有白帶是第一等病令人不產有宜速治之此扁鵲過邯鄲聞貴婦人帶下所以專為鑒也

治婦人月經壅滯每發心腹臍痛不可忍及治產後惡露不快血上愴心迷悶不省氣絕欲死

琥珀散

荆三稜 蓬莪朮 赤芍藥 劉寄奴 牡丹皮

官桂 熟地黃 菊花 真蒲黃

當歸

乾秤以上各一兩對

右前五味用烏豆一升生薑半觔切片米醋四升同煮豆爛為度焙乾入後五味同為末每服二錢溫酒調下空心食前服一方不用菊花蒲黃用烏藥玄胡索亦佳予家之秘方也若是尋常血氣病只一服產後血衝心二服便下常服尤佳予前後救人急切不少此藥易合宜多合以救人

治婦人血瘀血積經候不通

桃仁圓

桃仁

去皮尖
麩炒黃

大黃

川樸硝

各一兩

蜜蟲

半兩
炒黑

右四味末之以醇醋二升半銀石器中慢火煎取一
升五合下大黃桃仁蜜蟲等不住手攪千下後下樸
硝更不住手攪良久出之丸如梧子大前一日不用
喫晚食五更初用溫酒吞下五圓日午取下如赤豆
汗鷄肝蝦麻如未下再作血解紅即止續以調氣血
藥補之

此出千金方頃年在毘陵有一貴人妻患小便不通
臍腹脹不可忍衆醫皆作淋治如八正散之類數種
治皆不退痛愈甚予診之曰此血瘕也非瞑眩藥不
可去予用此藥更初後至日午痛大作不可忍遂卧
少頃下血塊如拳者數枚小便如黑汁者一二升痛
止得愈此藥治病的切然猛烈太峻氣虛血弱者更
斟酌與之

治婦人妊孕六七月因事築磕著胎或子死腹中惡露

下疼痛不已口噤欲絕用此藥探之若不損則痛止
子母俱安若胎損立便下此藥催生神效

佛手散

川芎

當歸

各等分

右粗末每服三錢水一小盞煎令泣泣欲乾投酒一大
盞止一沸去滓溫服口噤灌之如人行五七里再進不
過三二服便生有一方云此藥治傷胎去血多崩中去
血多金瘡去血多拔齒去血多昏暈欲倒者去水煎服

治崩中下血方

黃芩為細末每服一錢燒秤鎚酒調下崩中藥多是用止血及補血藥此治陽乘陰前所謂天暑地熱經水沸溢者

治下血不止或成五色崩漏方

香附子椿去皮毛中斷之略炒為末每服二錢用清米飲調下此方徐朝奉傳其內人有是疾服徧藥不效後獲此方遂愈須久服為佳亦治產後腹痛大是

婦人仙藥常服益血調氣

治產後中風口噤牙關緊急手足痲痺愈風散

荊芥穗輕焙過一兩細末每服二錢溫酒調下

經驗產室皆有之陳選方中用舉卿古拜二味蓋切
脚隱語以秘之也此藥委有奇效神聖之功大抵產
室但無風為佳不可衣被帳褥太煖太煖即出汗出
汗則腠理開易於中風便昏冒記有一婦人產後遮
護太蜜閣內更生火睡久及醒則昏昏如醉不省人

事其家驚惶鑿用此藥佐以交加散祝云服之必睡
睡中必以左手搔頭覺必醒矣果如其言

交加散治婦人榮衛不通經脈不調腹中撮痛氣多血
少結聚為瘕產後中風

生地黃

五兩
研取汁

生薑

五兩
研取汁

右交互用汁浸一夕各炒黃漬汁盡為度末之尋常
腹痛酒調下三錢產後尤不可缺

治婦人諸般淋

苦杖根俗呼為杜牛膝多取淨洗碎之以一合用水
五盞煎一盞去滓用麝香乳香少許研調下

鄞縣武尉耿夢得其內人患砂石淋者十三年矣每
溲痛楚不可忍溺器中小便下砂石剝剝有聲百方
不效偶有此方啜之一夕而愈目所見也

半夏散

半夏末如豆大許竹管吹入鼻中立醒

治產後出血太多虛煩發渴蒲黃散

真蒲黃末二錢飲下渴燥甚新汲水下

治妊娠時氣身太熱令子不落護胎方

伏龍肝為末水調塗臍下二寸乾則易差即止又取
井中泥塗心下乾則易

又方

浮萍乾

川樸硝

蛤粉

大黃

碎微炒

藍根

各一兩

右為末水調封臍上安胎解煩熱極妙

婦人患頭風者十居其半每發必掉眩如在車上蓋因血虛肝有風邪襲之耳素問云狗豪招搖目眩耳聾上虛下實過在足少陽厥陰甚則歸肝蓋此謂也予常處此方以授人比他藥捷而效速

芎藭散

川芎^{一兩} 當歸^{三錢} 羌活 旋覆花 蔓荊子 細辛

華陰^者 石膏 藁本 荊芥穗 半夏麴^炒 防風

熟地黃 甘草^{各半兩}

右為末每服一錢水一大盞薑三片同煎至七分去滓溫服不拘時

婦人產後有三種疾鬱冒則多汗汗則大便秘故難於用藥惟麻子蘇子粥最佳則穩

紫蘇子大麻子二味各半合淨洗研極細用水再研取汁一盞分二次煮粥啜之不惟產後可服大抵老人諸虛人風秘皆得力常有一貴人母年八十四忽然腹滿頭疼惡心不下食占鑿者數人議皆拱補脾

進食治風清利頭目藥數日病愈甚全不進食其家
憂懇予辨之予說之曰藥皆悞矣此症止是老人風
秘臟腑壅滯聚於膈中則腹脹惡心不喜食又上至
於巔則頭痛神不清也若得臟腑流暢諸疾悉去矣
予令作此粥兩啜而氣泄先下結屎如胡椒者十餘
後漸得通利不用藥而自愈

治婦人天癸以過期經脈不勻或三四月不行或一月
再至腰腹疼痛素問云十損七益謂女子十七數盡而

經脈不依時者血有餘也不可止之但令依時不腰痛為喜
當歸散

當歸

川芎

白芍藥

黃芩

各判炒
各一兩

白朮

兩半

山茱萸

兩半

右細末每服二錢酒下空心日三服冷去黃芩加桂一兩

治婦人臍燥

大棗湯

甘草

三兩

小麥

一升

大棗

十枚

右呔咀以水六升煮三升去滓溫分三服亦補脾氣
鄉里有一婦人數次無故悲泣不止或謂之有祟祈
禳請禱脩至終不應予忽憶金匱有一證云婦人臍
燥悲傷欲哭象如神虛數次者大棗湯予急令治藥
盡劑而愈古方識病製方種種妙絕如此試而後知
治妊娠熱病胎死腹中

鹿角湯

鹿角屑一兩水一碗葱白五莖豆豉半合煎六分溫二服

治婦人生產數日不下及胞衣死胎不下者方

用草麻七粒去殼研如泥塗足心纔下急洗洗去此
崔元亮海上方人但未知耳政和中一鄉人內子產
二日不下予令漫試之一塗俄頃便下自後常用極
驗

小兒病方

候小兒脈當以大指按三部一息六七至為平和十至
為發熱五至為內脹脈緊為風癇沉緩為傷食促急為

虛驚弦急為氣不和沈細為冷浮為風大小不勻為惡候
為鬼祟浮大數為風為熱伏結為物聚單細為疳勞凡
腹痛多喘嘔而脈洪者為有蟲浮而遲潮熱者胃表也
溫之則愈予嘗作歌以紀之歌曰小兒脈緊風癇候沈
緩食傷多吐嘔咬急因知氣不和急促虛驚神不守冷
則沈細風則浮半實大便應秘久腹痛之候緊而弦脈
亂不治安可救變蒸之時脈必變不治自然無過繆單
細疳勞洪有蟲大小不勻為惡候脈浮而遲有潮熱此

必胃寒來內寇瀉痢浮大不可鑿仔細斟量宜審究嬰孩未可脈方者俗鑿多看虎口中紋顏色與四肢冷熱驗之亦有可取予又以二歌紀之虎口色歌曰紫色紅傷寒青驚白色疳黑時因中惡黃即因脾端冷熱症歌曰鼻冷定知是瘡疹耳冷應知風濕症通身皆熱是傷寒上熱下冷傷食病若能以色脈參互驗之所得亦過半矣治小兒一切驚疳食稍風癇之症

睡驚圖

史君子

五十箇
燒存性

香墨

棗大
一塊

金銀箔

各五
片

右先研史君子墨細次入金銀箔乳鉢內同研次入
膩粉併麝香少許研令極細勻稀糊丸如梧子大陰
乾每服一九薄荷湯磨下一歲以下半九一名青金
丹鄉里一士人家貨此藥日得數十錢已百餘年矣
治小兒嘔吐脈數有熱

麥門冬散

麥門冬

半夏麴

人參

茯苓

各二
錢

甘草

一
錢

右細末每服二錢水一盞薑三片煎五分日二三服

治小兒嘔吐脈遲細有寒

白朮散

白朮

人參

錢各三

半夏麴

錢二

茯苓

乾薑

甘草

錢各一

右每服二錢水一盞薑三片棗一枚煎七分日二三服
治小兒久傷脾胃腹脹

調中圓

乾薑

橘紅

白朮

茯苓

木香

縮砂仁

官桂

良薑

各等分

闕

惟慢脾風因吐瀉脾胃受風為難治難得藥近世多用
生附子及青州白圓子金液丹合用之如醒脾丸皆要
藥也

治小兒慢脾風因吐利後虛因昏睡欲生風癇

醒脾圓

厚樸

白朮

船上硫黃

天麻

各半兩

全蝎

防風

人參

官桂

各一分

右為末酒浸蒸餅和丸如雞頭大每服一九槌研溫

米飲下

又方

全蝎

二箇青薄荷葉包煨

白朮

指面大二塊

麻黃

長五寸十箇去節

右細末二歲以下一字三歲以上半錢薄荷湯下量

大小加減服

治脾風多困

人參散

人參

冬瓜仁

冬半兩

天南星

一兩切片用漿水薑汁煮存性

右細末每服一錢水半盞煎二三分溫服

治小兒胎虛氣弱吐利生風昏困嗜卧或潮搐

蝎稍圓

全蝎

微炒

白附子

煨裂各半兩

通明硫黃

一兩

半夏

一兩切

薑汁製
炮乾

右為末薑汁糊丸如麻子大每服三十粒荊芥湯下
更看大小加減法

治小兒拘哭

龍腦散

龍腦

蟬殼

鈎藤


有鈎
子者

羌活

茯苓

人參
各等
分

右為末每服一大錢水一大盞煎六分去滓熱服



類證普濟本事方卷十